

(4) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20 i 46/20), člana 6. Odluke o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe ("Službene novine Kantona Sarajevo", broj 18/20), i tačke I Rješenja o dopuni Rješenja o imenovanju Ekspertnog tima za izradu Protokola o postupanju u slučaju seksualnog uznemiravanja i nasilja u organima uprave, javnim preduzećima, javnim ustanovama i pravnim licima čiji je osnivač Kanton Sarajevo broj 02-04-6490-18/21 od 11.03.2021. godine, Vlada Kantona Sarajevo, na 16. sjednici održanoj 01.04.2021. godine, donijela je

## ODLUKU

### O DAVANJU SAGLASNOSTI MINISTARSTVU PRAVDE I UPRAVE KANTONA SARAJEVO DA IZVRŠI OBRAČUN I ISPLATU NAKNADE ČLANOVIMA EKSPERTNOG TIMA ZA IZRADU PROTOKOLA O POSTUPANJU U SLUČAJU SEKSUALNOG UZNEMIRAVANJA I NASILJA U ORGANIMA UPRAVE, JAVNIM PREDUZEĆIMA, JAVNIM USTANOVAMA I PRAVNIM LICIMA ČIJI JE OSNIVAČ KANTON SARAJEVO

#### I

Daje se saglasnost Ministarstvu pravde i uprave Kantona Sarajevo da izvrši obračun i isplatu naknade članovima Ekspertnog tima za izradu Protokola o postupanju u slučaju seksualnog uznemiravanja i nasilja u organima uprave, javnim preduzećima, javnim ustanovama i pravnim licima čiji je osnivač Kanton Sarajevo, u neto iznosu od 470,00 KM po članu, odnosno u neto iznosu od 329,00 KM licu koje je obavljalo administrativno-tehničke poslove za potrebe Ekspertnog tima, imenovanim Rješenjem Vlade Kantona Sarajevo broj 02-04-1942-3/21 od 26.01.2021. godine, i to:

1. Majda Halilović, predsjednica - 470 KM,
2. Senka Nožica, članica - 470 KM,
3. Dženana Husremović, članica - 470 KM,
4. Enisa Mešić, članica - 470 KM,
5. Zilka Spahić-Šiljak, članica - 470 KM,
6. Elmedin Muratbegović, član - 470 KM,
7. Midhat Izmirlija, član - 470 KM,
8. Zlatan Karović, član - 470 KM,
9. Dino Mešić, lice zaduženo za obavljanje administrativno-tehničkih poslova za potrebe Ekspertnog tima - 329 KM.

#### II

Naknada licima iz tačke I ove Odluke finansirat će se iz sredstava Ministarstva pravde i uprave, planiranih u Budžetu Kantona Sarajevo za 2021. godinu na razdjelu Ministarstva pravde i uprave, ekonomski kod 613900 - sub.analitika CAK004 - Ostale ugovorene usluge.

#### III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-14327-9/21

01. aprila 2021. godine

Sarajevo

Premijer

**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 14. Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", br. 18/20, 46/20 i 12/21), a u vezi sa članom 170.

stav (1) alineja 24. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17 i 28/18), na prijedlog Ministarstva za rad, socijalnu politiku, raseljena lica i izbjeglice Kantona Sarajevo, Vlada Kantona Sarajevo, na 16. sjednici održanoj 01.04.2021. godine, donijela je

## ODLUKU

#### I

Donosi se Program podrške licima u stanju socijalne potrebe u Kantonu Sarajevo za ublažavanje posljedica izazvanih pandemijom koronavirusa u 2021. godini i isti je sastavni dio ove odluke.

#### II

Za realizaciju Programa iz tačke I ove odluke zadužuju se: Ministarstvo za rad, socijalnu politiku, raseljena lica i izbjeglice Kantona Sarajevo, Ministarstvo finansija Kantona Sarajevo i Javna ustanova "Kantonalni centar za socijalni rad".

#### III

Odluka Vlade Kantona Sarajevo broj: 02-04-21859-23/20 od 25.06.2020. godine stavlja se van snage.

#### IV

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 02-04-14327-3/21

01. aprila 2021. godine

Sarajevo

Premijer

**Edin Forto**, s. r.

## PROGRAM

### PODRŠKE LICIMA U STANJU SOCIJALNE POTREBE U KANTONU SARAJEVO ZA UBLAŽAVANJE POSLJEDICA IZAZVANIH PANDEMIJOM KORONAVIRUSA U 2021. GODINI

- I** Programom podrške licima u stanju socijalne potrebe u Kantonu Sarajevo za ublažavanje posljedica izazvanih pandemijom koronavirusa u 2021. godini (u daljem tekstu: Program), u skladu sa Zakonom o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20, 46/20 i 12/21) utvrđuju se mjere podrške licima u Kantonu Sarajevo koja se nalaze u stanju socijalne potrebe, način ostvarivanja pomoći, finansijski okvir za realizaciju Programa i nosioci aktivnosti.
- II** Licima u stanju socijalne potrebe smatraju se lica koja su u skladu sa Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17 i 28/18) ostvarila pravo na novčanu naknadu za pomoć i njegu od strane drugog lica (stara i nemoćna lica) ili pravo na novčanu naknadu za vrijeme čekanja na zaposlenje po osnovu osposobljavanja za život i rad.
- III** Lica iz tačke II ovog programa koja su zaražena virusom SARS-CoV-2 odnosno prebolovala bolest COVID-19, imaju pravo na novčanu naknadu u iznosu od 200,00 KM (u daljem tekstu: novčana naknada), a ista se može dodijeliti samo jednom u 2021. godini.
- IV** Postupak ostvarivanja prava na novčanu naknadu vodiće Javna ustanova "Kantonalni centar za socijalni rad" (u daljem tekstu: Ustanova). Nakon što se od strane Ustanove u provedenom postupku, utvrdi ispunjavanje uslova za ostvarivanje novčane naknade, direktor Ustanove će donijeti odluku o dodjeli novčane naknade

licu iz tačke III ovog programa, koja se sa svom pratećom dokumentacijom na kraju svakog mjeseca, dostavlja Ministarstvu za rad, socijalnu politiku, raseljena lica i izbjeglice Kantona Sarajevo, radi isplate novčane naknade.

V Ustanova se obavezuje jednom mjesečno izvještavati Ministarstvo za rad, socijalnu politiku, raseljena lica i izbjeglice Kantona Sarajevo o utrošku sredstava namijenjenih za ovu namjenu.

VI Finansijska sredstva za ovu namjenu obezbjeđena su u Budžetu Kantona Sarajevo sa pozicije Ministarstva NAM001 Socijalna zaštita i u skladu sa Odlukom o usvajanju programa utroška sredstava tekućih i kapitalnih transfera i nabavke građevina utvrđenih Budžetom Kantona Sarajevo, Ministarstva za rad, socijalnu politiku, raseljena lica i izbjeglice Kantona Sarajevo za 2021. godinu broj 13-04/1-11-13-11-9285/21 od 15.03.2021. godine.

VII Nosioci aktivnosti na realizaciji ovog programa su Ministarstvo za rad, socijalnu politiku, raseljena lica i izbjeglice Kantona Sarajevo, Ministarstvo finansija Kantona Sarajevo i Javna ustanova "Kantonalni centar za socijalni rad".

VIII Ministarstvo za rad, socijalnu politiku, raseljena lica i izbjeglice Kantona Sarajevo će izvršiti monitoring i evaluaciju ovog programa i o tome informisati Vladu Kantona Sarajevo.

Broj 02-04-14327-3.1/21  
01. aprila 2021. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi Prečišćeni tekst i 37/14 - Ispravka), a u vezi sa članom 13. stav (2) Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17 i 28/18), Vlada Kantona Sarajevo, na 47. vanrednoj sjednici održanoj 02.04.2021. godine, donijela je

**ODLUKU  
O VISINI KOEFICIJENTA ZA OBRAČUN PROSJEČNE  
NETO PLAĆE OSTVARENE U KANTONU SARAJEVO  
U 2020. GODINI**

**I  
(Predmet)**

Ovom odlukom se utvrđuje visina koeficijenta za obračun prosječne neto plaće ostvarene u Kantonu Sarajevo u 2020. godini, koja služi kao osnov za utvrđivanje novčanih i drugih materijalnih davanja po Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38-14 - Prečišćeni tekst, 38/16, 44/17 i 28/18) (u daljem tekstu: Zakon).

**II**

(Visina prosječne neto plaće)

Prosječna neto plaća ostvarena u Kantonu Sarajevo u 2020. godini, objavljena u Saopćenju o prosječnoj isplaćenoj mjesečnoj neto plaći zaposlenih u Kantonu Sarajevo za 2020. godinu ("Službene novine Kantona Sarajevo", broj 7/21), iznosi 1.179,00 KM (u daljem tekstu: prosječna neto plaća).

**III**

(Visina koeficijenta)

Visina koeficijenta iz tačke I ove odluke iznosi 0,6361, a što je 63,61% od prosječne neto plaće.

**IV**

(Osnov za obračun)

Osnov za obračun novčanih i drugih materijalnih davanja po članu 13. Zakona je prosječna neto plaća pomnožena sa koeficijentom iz tačke III ove odluke i iznosi 750,00 KM.

**V**

(Prestanak važenja ranijeg propisa)

Stupanjem na snagu ove odluke stavlja se van snage Odluka o visini koeficijenta za obračun prosječne neto plaće ostvarene u Kantonu Sarajevo u 2019. godini ("Službene novine Kantona Sarajevo", broj 15/20).

**VI**

(Stupanje na snagu)

Ova odluka stupa na snagu prvog narednog dana od dana objavljivanja u "Službenim novinama Kantona Sarajevo", a primjenjuje se od 01.04.2021. godine.

Broj 02-04-15475-4/21  
02. aprila 2021. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 2. stav (2) i (7) Odluke o vršenju ovlaštenja u privrednim društvima sa učešćem državnog kapitala iz nadležnosti Kantona Sarajevo ("Službene novine Kantona Sarajevo", broj 31/19), Vlada Kantona Sarajevo, na 48. vanrednoj sjednici održanoj 02.04.2021. godine, donijela je

**ODLUKU**

**I**

Opozivaju se punomoći date radi vršenja ovlaštenja u Skupštini KJP "PD Butmir" d.o.o. Sarajevo - Ilidža u ime Vlade Kantona Sarajevo, i to:

- Punomoć broj 02-04-10050-12/20 na ime Hamdija Čivić,
- Punomoć broj 02-04-10050-12/20 na ime Edin Pašić,
- Punomoć broj 02-04-10050-12/20 na ime Edin Šerifović.

**II**

Daje se saglasnost za davanje nove punomoći radi vršenja ovlaštenja u Skupštini KJP "PD Butmir" d.o.o. Sarajevo - Ilidža, za punomoćnika:

- Nedim Kapidžić

**III**

Za realizaciju ove odluke zadužuje se Ministarstvo privrede Kantona Sarajevo.

**IV**

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-15589-3/21  
02. aprila 2021. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo na 51. vanrednoj sjednici, održanoj 08.04.2021. godine, donijela je